

## **Impurtonts puncts en connex culla lescha revedida davart igl encurir cristallas e minerals ed il lavar aur**

Ils 25 da mars 2026 ha il pievel approbau la revisiun parziala dalla lescha davart igl encurir cristallas e minerals ed il lavar aur. La lescha revedida passa en vigur pigl 1. d'avrel 2026.

Ei suondan entginas orientaziuns davart midadas che vegnan a succeder en connex culla lescha revedida.

### **Schurmetg dil fuorn**


Niev ston ils uaffens che marcan il fuorn vegnir signalisai cun ina color che vala mintgamai per dus onns. L'administraziun communal informescha el feagl official dalla vischnaunca mintgamai all'entschatta dil secund onn davart la nova color per la marcaziun dil fuorn che vala pils dus onns sequents.

 **Per igl onn 2026 e 2027 supplichescha l'administraziun communal il cavacristallas ed ils lavaders d'aur da signalisar lur uaffens cun la color **blaua**.**

### **Tener uorden e depots da material**

Niev ston ils depots da material vegnir signalisai ella medema moda sco il schurmetg dil fuorn. Il possessur d'in depot ei obligaus d'annunziar all'administraziun communal il liug da siu depot cun indicaziun dallas coordinatas.

La vischnaunca ha il dretg da rumir depots da material sch'els ein pli vegls che dus onns e buca marcai culla color actuala. L'administraziun communal ha en quei cass d'eruir il possessur dil depot da material e d'adossar ils cuosts dalla rumida.

 **Per igl onn 2026 supplichein nus il cavacrappa da s'annunziar tier l'administraziun communal ([info@tujetsch.ch](mailto:info@tujetsch.ch)) e d'indicar lur depots da material cullas coordinatas corrispundentas.**

### **Sgols cun helicopter**

Niev astgan **sulettamein** personas cun domicil en Vischnaunca Tujetsch e cun ina patentata valeivla sgular material en connex cull'explotaziun da cristallas. Igl ei necessari da dumandar la suprastanza communal per ina lubientscha cun far las suandontas indicaziuns:

- Num/Prenum
- Nr. da telefonin
- Datum dil sgol
- Coordinatas dalla partenza dil sgol e dil liug da destinaziun
- L'interpresa da helicopter

Il cavacrappa che retscheiva ina lubientscha per sgular sto surdar quella all'interpresa da helicopter. Sche l'interpresa fa sgols senza lubientscha valeivla, vegn quella castigada.

## Novas taxas per las lubientschas naven digl 1. da zercladur 2026

### Lubientschas ordinarias per cavar cristallas

a)	Per personas cun domicil civil a Tujetsch	Frs. 300.00
b)	Per tuts ulteriurs Svizzers ni per personas digl exterior domiciliadas en Svizra (permissiun C)	Frs. 600.00
c)	Per tuttas ulteriuras personas digl exterior	Frs. 1'100.00
d)	Cartas dall'jamna per tuttas personas (Svizzers e jasters)	Frs. 200.00
e)	Cartas dil di per tuttas personas (Svizzers e jasters)	Frs. 30.00

### Lubientschas supplementaras per cavar cristallas

Per personas cun **domicil civil** a Tujetsch.

f)	Schluppentar <b>senza</b> far diever da maschinas da furar	Frs. 300.00
g)	Schluppentar <b>cun</b> far diever da maschinas da furar	Frs. 600.00
h)	Maschinas da furar	Frs. 300.00

### Lubientschas per lavar aur

a)	Per personas cun domicil civil a Tujetsch	Frs. 100.00
b)	Per tuts ulteriurs Svizzers ni per personas digl exterior domiciliadas en Svizra (permissiun C)	Frs. 400.00
c)	Per tuttas ulteriuras personas digl exterior	Frs. 600.00
d)	Cartas dall'jamna per tuttas personas (Svizzers e jasters)	Frs. 100.00
e)	Cartas dil di per tuttas personas (Svizzers e jasters)	Frs. 20.00